

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

ZAKLJUČAK
po Prijavi namjere koncentracije privrednog subjekta OAO NeftegazInKor, Moskva,
Ruska Federacija, nad privrednim subjektom Rafinerija ulja Modriča AD. Modriča, Bosna
i Hercegovina

Sarajevo,
Maj, 2007. godine



Broj: 01-02-26-009-7-II/07
Sarajevo, 23. maj 2007. godine

Na osnovu člana 42. stav (1) tačka g) a u vezi sa članom 12. i 14.. Zakona o konkurenciji («Službeni glasnik BiH», broj 48/05) i člana 116. stav (2) Zakona o upravnom postupku («Službeni glasnik BiH», broj 29/02), u predmetu Prijave namjere koncentracije privrednog subjekta OAO «NeftegazInKor», 107078 Moskva, Kalančevskaja ulica 11/2, Ruska Federacija, podnesenoj od ovlaštenog punomoćnika Slavka Šćepanovića, b. 1, 4/17 Pokrovsky b-r, Ofis 2, 107078 Moskva, Ruska Federacija, dana 12. februara 2007. godine pod brojem: 01-02-26-009-II/07, Konkurencijsko vijeće na 46. (četrdesetštoji) sjednici održanoj dana 23. maja 2007. godine, donijelo je

Z A K L J U Č A K

Odbacuje se Prijava namjere koncentracije privrednog subjekta OAO «NeftegazInKor», Kalančevskaja ulica 11/2, 107078 Moskva, Ruska Federacija, radi nepostojanja obaveze podnošenja Prijave namjere koncentracije, u smislu odredaba Zakona o konkurenciji.

O b r a z l o ž e n j e

Konkurencijsko vijeće je zaprimilo Prijavu namjere koncentracije (u daljem tekstu: Prijava) sticanjem kontrole privrednog subjekta OAO «NeftegazInKor», Kalančevskaja ulica 11/2, 107078 Moskva, Ruska Federacija (u daljem tekstu: Podnosilac prijave), nad privrednim subjektom Rafinerija ulja Modriča a.d. Modriča, Vojvode Stepe 49, 74480 Modriča, Bosna i Hercegovina, podnesenoj od punomoćnika Slavka Šćepanovića, b.1, 4/17 Pokrovsky b-r, Ofis 2, 101000 Moskva, Ruska Federacija, dana 12. februara 2007. godine broj: 01-02-26-009-II/07.

Uvidom u dokumentaciju priloženu uz Prijavu, a saglasno članu 30. Zakona o konkurenciji (u daljem tekstu: Zakon) i Odlukom o načinu podnošenja prijave i kriterijima za ocjenu koncentracije privrednih subjekata («Službeni glasnik BiH», broj 95/06) Konkurencijsko vijeće je utvrdilo da Prijava nije kompletna, jer nisu dostavljeni finansijski izvještaji učesnika koncentracije za 2006 godinu.

Kako Prijava nije kompletna, Konkurencijsko vijeće, u skladu sa članom 31. Zakona, je zatražilo dopunu (dana 16. februara 2007. godine, 23. februara 2007. godine, 02. marta 2007. godine, 14. marta 2007. godine, 20. marta 2007. godine, 21. marta 2007. godine, 02. aprila 2007. godine, 11. aprila 2007. godine, 17. aprila 2007. godine i 20. aprila 2007. godine). Podnosilac prijave je u skladu sa zahtjevima Konkurencijskog vijeća dopunio Prijavu traženom dokumentacijom (dana 22. februara 2007. godine, dana 27. februara 2007. godine, 13. marta 2007. godine, 15. marta 2007. godine, 23. marta 2007. godine, 29. marta 2007. godine, 10. aprila 2007. godine i 19. aprila 2007. godine).

Nakon prijema tražene dokumentacije Konkurencijsko vijeće je utvrdilo da je Prijava kompletna i uredna i izdalo Podnosiocu prijave Potvrdu o prijemu kompletne i uredne Prijave, saglasno članu 30. stav (3) Zakona, dana 24. aprila 2007. godine pod brojem: 01-02-26-009-5-II/07.

Konkurencijsko vijeće ja na osnovu uvida u Prijavu i dostavljenu dokumentaciju utvrdilo sljedeće činjenice:

Podnosilac prijave je dostavio Prijavu u Zakonom predviđenom vremenskom roku, u smislu člana 16. stava (1) Zakona.

Podnosilac prijave je naveo da zahtjev nije podnio drugom organu za ocjenu predmetne koncentracije, izvan teritorije Bosne i Hercegovine, u smislu člana 30. stav (2) Zakona.

Pravni osnov i oblik koncentracije

Pravni osnov predmetne koncentracije je Ugovor o prodaji dionica privrednog subjekata Rafinerija nafte d.d. Bosanski Brod, privrednog subjekata Petrol d.d. Banja Luka i privrednog subjekata Rafinerija ulja Modriča a.d. Modriča (u daljem tekstu: Ugovor o prodaji) zaključen između privrednog subjekta OAO «NeftegazInKor» (kao kupca) i Vlade Republike Srpske (kao prodavca), dana 02. februara 2007. godine.

Pravni oblik predmetne koncentracije je sticanje kontrole, u smislu člana 12. stav (1) tačka b) Zakona, od strane privrednog subjekta «NeftegazInKor» u privrednom subjektu Rafinerija ulja Modriča a.d. Modriča (u daljem tekstu: Rafinerija Modriča). Kontrola se ostvaruje kupovinom (..)**¹ redovnih akcija sa pravom glasa, nominalne vrijednosti (..)**, što odgovara vlasničkom učešću od 62,302354% od ukupnog broja akcija privrednog subjekta Rafinerija Modriča, a koje su u vlasništvu Vlade Republike Srpske i (..)** redovnih akcija sa pravom glasa, nominalne vrijednosti (..)**, a koje iznose 4,449704% ukupnog broja akcija privrednog subjekta Rafinerija Modriča, a koje su u vlasništvu Fonda za restituciju Republike Srpske.

Nakon provođenja koncentracije privredni subjekt «NeftegazInKor» biće vlasnik (..)** redovnih akcija sa parvom glasa privrednog subjekta Rafinerija Modriča, nominalne vrijednosti (..)**, što odgovara većinskom vlasničkom učešću od 66,752058% ukupnog broja dionica.

Učesnici koncentracije

Učesnici koncentracije su privredni subjekt Otvoreno dioničko društvo Nafregazovaja Inovacionaja Korporacija - OAO NeftegazInKor, 107078 Moskva, Kalančevskaja ulica 11/2, Moskva, Ruska Federacija i privredni subjekt Rafinerija ulja Modriča a.d. Modriča, Vojvode Stepe 49, 74480 Modriča, Bosna i Hercegovina.

Privredni subjekt NeftegazInKor

Privredni subjekt NeftegazInKor, evidentiran u jedinstvenom državnom registru pravnih lica broj: 1027708003256, dana 23.08.2002. godine (inspekcija Ministarstva Ruske Federacije za poreze i doprinose broj 8 za Centralni administrativni okrug grada Moskva). Privredni subjekt NeftegazInKor, na osnovu odredaba Odluke Federalne komisije za tržište i vrijednosne papire broj: 27 od dana 02.10.1997. godine, vodi vlastiti registar vrijednosti akcija (državni registarski

¹(..)** - Podaci predstavljaju poslovnu tajnu

broj izdavanja hartija od vrijednosti: 1-01-07474-A) i ima ukupno (.)** običnih akcija nominalne vrijednosti (.)**.

Vlasnička struktura privrednog subjekta NeftegazInKor (navedena od Podnosioca prijave), na dan 02. februara 2007. godine (na dan zaključenja predmetnog Ugovora učesnika koncentracije) u akcionarskom kapitalu je:

- Privredni subjekt Otvoreno akcionarsko društvo (OAO) Zarubezneft, Armjanskij pereulok 9-1, 101990 Moskva, Ruska Federacija, posjeduje (.)** običnih akcija ukupne vrijednosti (.)** što predstavlja 40,0% u ukupnom akcionarskom kapitalu.

Privredni subjekt OAO Zarubezneft je u 100,0% vlasništvu Ruske Federacije odnosno Federalne agencije za upravljanje federalnom imovinom.

- Privredni subjekt Invest-tehnologije, društvo sa ograničenom odgovornošću, Radiščevskaja verh 4, 109240 Moskva, Ruska Federacija, osnovni državni registracijski broj: 5067746347389, posjeduje (.)** običnih akcija ukupne vrijednosti (.)** što predstavlja 20,0% u ukupnom akcionarskom kapitalu.

Fizičko lice (.)**, Ruska Federacija, je jedini osnivač privrednog subjekta Invest Tehnologi, upisan dana 29.08.2006. godine u registar Međureonske inspekcije federalne poreske službe broj 46 za grad Moskvu.

- Privredni subjekt Nepata, društvo sa ograničenom odgovornošću, Energetičkij proezd 3, 127015 Moskva, Ruska Federacija, osnovni državni registracijski broj: 1047796915341, posjeduje (.)** običnih akcija ukupne vrijednosti (.)** što predstavlja 20,0% u ukupnom akcionarskom kapitalu.

Fizičko lice (.)** je jedini osnivač privrednog subjekta Nepata, upisan dana 30.11.2004. godine u registar Međureonske inspekcije federalne poreske službe broj 46 za grad Moskvu.

- Privredni subjekt Junik Development, društvo sa ograničenom odgovornošću, Ljusinovskaja ulica 36/50, 113093 Moskva, Ruska Federacija, osnovni državni registracijski broj: 1037700120292, posjeduje (.)** običnih akcija ukupne vrijednosti (.)** što predstavlja 20,0% u ukupnom akcionarskom kapitalu.

Fizičko lice (.)**, Ruska Federacija, je jedini osnivač privrednog subjekta Junik Development, upisan dana 28.11.2001. godine u registar Međureonske inspekcije federalne poreske službe No. 5 za grad Moskvu.

Glavne djelatnosti privrednog subjekta NeftegazInKor su istraživanje, izgradnja i eksploatacija nafte i gas, dobijanje i plasman nafte i naftnih derivata i gasa, skladištenje nafte i naftnih derivata, monataža i ugradnja opreme za gas i naftu itd.

Podnosilac Prijave je naveo da nema povezanih/subsidijskih privrednog subjekta registrovanih u Bosni i Hercegovini niti djeluje na tržištu Bosne i Hercegovine u proizvodnji /prodaji roba i/ili usluga.

Privredni subjekt Rafinerija ulja Modriča

Privredni subjekt Rafinerija Modriča je registrovan u Osnovnom sudu Doboj, pod brojem 1-4627-00. Vlasnička struktura osnovnog kapitala privrednog subjekta Rafinerija Modriča je: – Vlada Republike Srpske 62,295860%, mali akcionari 11,005914%, penzioni fond Republike Srpske 8,899409%, Fond za restituciju Republike Srpske 4,449704,% i akcionari prema uloženim vaučerima 13,349113%.

Osnovne djelatnosti privrednog subjekta Rafinerija Modriča je proizvodnja motornih i industrijskih maziva i funkcionalnih tečnosti te proizvodnja baznih ulja i parafina.

Privredni subjekt nema povezanih privrednih subjekata u Bosni i Hercegovini.

Ocjena Prijave namjere koncentracije

Relevantno tržište, u smislu člana 3. Zakona, te čl. 4., 5. i 6. Odluke o utvrđivanju relevantnog tržišta («Službeni glasnik BiH», broj 18/06) čini tržište određenih proizvoda /usluga koje su predmet obavljanja djelatnosti na određenom geografskom tržištu.

Relevantno tržište predmetne koncentracije je proizvodnja motornih i industrijskih maziva i funkcionalnih tečnosti te proizvodnja baznih ulja i parafina u Bosni i Hercegovini.

Prema podacima iz Prijave, u vlasničkoj strukturi privredni subjekt NeftegazInKor najveće vlasničko učešće od 40,0% ima privredni subjekt Zarubezneft, dok ostala tri privredna subjekta imaju po 20,0%, što znači da privredni subjekt NeftegazInKor u vlasničkoj strukturi nema prevladavajućeg uticaja / kontrolu od strane jednog privrednog subjekta koji posjeduje preko 50,0% ukupnih akcija ili prava glasa, u smislu člana 2. stav (2) Zakona.

U skladu sa navedenim privredni subjekt Zarubezneft nema kontrolu nad privrednim subjektom NeftegazInKor, i radi toga se prilikom izračunavanja ukupnog prihoda na svjetskoj nivou, u smislu člana 14. Zakona, uzima u obzir ukupan prihod isključivo ostvaren od privrednog subjekta NeftegazInKor.

U skladu sa navedenim, a u skladu sa Zakonom, nije uzet u obzir ukupan prihod privrednog subjekta Otvoreno akcionarsko društvo (OAO) Zarubezneft jer nema kontrolu nad privrednim subjektom NeftegazInKor.

Ukupan prihod privrednih subjekata učesnika koncentracije, na dan 31. decembar 2006. godine (u godini koja je prethodila predmetnoj koncentraciji), u smislu člana 14. Zakona prikazan je u (Tabela 1.):

Tabela 1.

(KM)	NeftegazInKor	Rafinerija ulja Modriča
Svijet	(..)**	-
Bosna i Hercegovina	-	(..)**

Ukupan prihod, u 2006. godini, prema finansijskoj dokumentaciji dostavljenoj od podnosioca prijave, za učesnike koncentracije (NeftegazInKor i Rafinerija Modriča) iznosi ukupno (..)**.

U skladu sa navedenim učesnici koncentracije nisu ostvarili ukupan godišnji prihod (godini koja je prethodila koncentraciji) u smislu člana 14. stav (1) pod a) radi čega bi postojala obaveza podnošenja Prijave.

Takođe, jedan od uslova za obavezu prijave namjere koncentracije u skladu sa članom 14 stav (1) pod b) Zakona je da zajednički tržišni udio na relevantnom tržištu prelazi 40,0%. Privredni subjekt Rafinerija Modriča u 2006. godini ima manje tržišno učešće od 40,0%, dok privredni subjekt NeftegazInKor nema tržišno učešće na relevantnom tržištu u Bosni i Hercegovini pa ni po ovom osnovu nije ispunjen uslov obaveze prijave namjere koncentracije.

Na osnovu izloženog Konkurencijsko vijeće je odlučilo kao u dispozitivu ovoga Zaključka.

Administrativna taksa

Na ovaj Zaključak Podnosilac prijave, saglasno članu 2. tarifni broj 108. stava 1. tačka c) Odluke o visini administrativnih taksi u vezi sa procesnim radnjama pred Konkurencijskim vijećem («Službeni glasnik BiH», broj 30/06) je obvezan da plati administrativnu taksu u iznosu od 1.000,00 KM u korist Budžeta institucija Bosne i Hercegovine.

Pouka o pravnom lijeku

Protiv ovog Zaključka nije dopuštena žalba. Nezadovoljna stranka može pokrenuti upravni spor pred Sudom Bosne i Hercegovine u roku od 30 (trideset) dana od dana prijema ovog Zaključka odnosno od dana njegovog objavljivanja u «Službenom glasniku Bosne i Hercegovine»

Ovaj Zaključak biće objavljen u «Službenom glasniku BiH», službenim glasilima entiteta i Brčko Distrikta Bosne i Hercegovine.

Predsjednik

Sanja Božić